

CARMELUS

INDICE

Del "Carmelus Antiquus"

(Por orden alfabético de apellidos)

- + Alegre Casanate, M. Antonio. -Página 17 (1)
- Aranda, Juan Anastasio. -20
- + Asso, Onofre. -35
- + Bellido, Luis. -34
- Blasco, Dionisio. -23
- Boneta, Antonio. -27
- + Cantería, Manuel. -34
- + Carreras, Jaime. -28
- + Casalbón, Francisco. -33
- Cebrián, José Angel. -31
- + Claver, José. -21
- Espín, Lorenzo Angel. -21
- Ferriz, Ignacio. -20
- Gavella, Antonio. -16
- Gaxet, Manuel. -27
- + Grañén, Dionisio. -24
- + Ibero, Vicente. -33
- Irigoyen, Miguel. -31
- + Iturbide, Felipe. -33
- Jericó, Miguel. -29
- + Jimenez Embún, Martín. -15
- + " " Valero. -10
- Jimenez, Juan. -10
- Jimeno, Juan. -20
- Jubero, Dionisio. -18
- Lopez Otalora, Pedro. -28
- Lucea, Francisco. -15



(1) Los que llevan + se citan en las Memorias de la Universidad de Zaragoza de Jimenez Catalán, 1925.

- + Lumbier Sos, Raimundo. -12
- + Maurín, Pablo. -28
- + Maya, José. -31
- + Mombiela, Pedro. -28
- + Muñoz, Juan. -6
- + Novales, Miguel Angel. -29
- Nuñez Delgadillo, Agustín. -8
- + Nuñez, Francisco. -34
- Ochoa, Antonio. -16
- + Peraza, Martín. -5
- Pérez Nagore, Martín. -19
- + Pinaque, Jaime. -32
- + Pueyo Abadía, Luis. -25
- " " Tomás. -26
- Ricarte, Nicolás. -19
- + Rio, José Alberto, -32
- + Ripoll Atienza, Miguel. -7
- Rosell, José Angel. -30
- Rueda, Gaspar. -6
- + Ruzola, Miguel. -7
- Salabería Maya, Mateo. -30
- Salas, Francisco. -35
- Sobrino, Jerónimo. -14
- + Sos, Alberto. -20
- Sos, Raimundo. -29
- Torre, Francisco. -14
- + Tris, Pedro, -22
- Vidania, José Angel. -24

Nota. Este Índice lo hizo el P. S. Serrano, O. C.
Zaragoza, 15-Agosto-1948.

Cop. 26-603 Ar

CARMELUS

ANTIQUUS

21424

CÆSARAUGUSTANUS

IN INCLITO HUIUS URBIS LICÆO
Doctoribus Domesticis Laureatis

DECORUS, ET ORNATUS,

DESCRIPTUS



OPERA, ET STUDIO

R. P. Fr. MICHAELIS MARTIN, CÆSARAUGUSTANI, ejusdem Ordinis, Philosophiæ Olim, nunc vero Sacræ Theologiæ Lectoris in Collegio N. S. Joseph Cæsaraugustano.

CÆSARAUGUSTÆ:



Apud Josephum Fort, Typographum, juxta
Divi Vincentii Ferrerii Collegium.

c.

AD LECTOREM CARMELITAM.

TEmpus edax rerum, ut vulgo dicitur, & experientia discitur, Nostri Antiqui Carmeli Casaraugustani Doctorum memoriam, vel oblivioni dedit, vel incuria sociatum omnino contrivit. Aliquorum tamen, quos in aliquibus Codicibus obvios reperimus, hic omnibus exhibemus, ne eorum memoria apud posteros omnino pereat: omnes quidem Ordinis Nostri Magistri in illa, vel illa Universitate Doctoris Laurea decorari debent, ut Antiquitate in ordine fruantur; hic vero solum eorum, qui in Casaraugustana Laureati sunt, meminisse Nostrum est. In hac celeberrima Universitate Nostros Doctores reperire speravimus, sed in casum, nam Doctorum Repertorium in variis libris sparsum, aliis Universitatis functionibus immixtum, in confusionem abiit. Antiquis Nostri Doctoribus, & Recentiores adjunximus, ne, & horum memoria similem fortunam patiatur. Doctores Nostros, qui aliqua scripsere, Academia Nobilis Casaraugustana desideravit, alios, & alios ipsi libenter donamus, ut quos Scriptores damus, ipsa benigne recipiat; itaque quilibet, quos legere voluerit, leget: nec omnes legere, si non profit, officit. Fortunatiores alios in suis Religionibus vidimus, quæ Doctorum suorum nedum seriem Chronologicam, & alia id genus, ad eorum memoriam perennandam diligentius, quam nos, notare, sed & alia eorum ornamenta signavere, sicque hodie luce ab Antiquis fideliter mutuata, sine confusione eos legunt: felices ipsæ Religiones, quæ sic sua curarunt, non ita, & nos, qui Doctorum, nec nomina scientes, in eorum numero computando, rubore suffundimur.

Meminimus, Proverb. c. 17. v. 6. Spiritus Sancti ad inflammandum nostra corda, flamen sempiternum, illis verbis. Corona senum filii filiorum, & Gloria filiorum Patres eorum. I. d. ex Alapide (hic) Gloriantur filii, quod sapientes, & probos habuerint Parentes, & sic vicissim gloriantur Patres, quod filios post se probos, & virtutis suæ heredes relinquunt. Vicissim quomodo grati filii evadent? Honore Parentes prosequendo, quia filios posteros gloria ornaverunt. Ita, & nos cum Antiquis nos gerere debemus, qui nobis gloriam suam charitativo testamento le-

garunt. Nec contemnenda ad rem nostram Auctoris Catena Grae-
ca (Apud Alapide) sententia , & versio : Senum (inquit) hoc
est , Doctorum Sapiaentia (virorum) corona , & ornamentum
sunt Auditores dicto obsequentes. Patres ergo Nostros, tamquam
Auditores emulari studeamus , & sic senum Nostrorum Corona
existemus. Ex S. Gregorio Nazianceno In Mon. S. Basilii , audire
libet. Qui simul , & multos , & probos , atque honestos filios
habuerint , in fabulis fortasse reperies. Deo gratias , fabula non
est , sed veritas , quod Carmelus Noster Antiquus Casaraugustanus
tot filios Universitati Casaraugustana genuit , quot sapientes fa-
cundus edidit : Utinam in diebus nostris horum series , & merito,
& numero ad Religionis decorem feliciter augeatur.



DOCTORES CARMELITÆ IN UNIVER-
sitate Cæsaraugustana Laureati.



EVERENDUS Admodum P. M. Mar-
tinus de Peraza, Hispanus, ex Reg-
no novæ Castellæ, patria Ocanien-
sis, Cœnobii Carmelitarum Matri-
tensis ejusdem Provinciæ Filius, Sa-
cræ Theologiæ Magister, Salmanti-
cæ ex primaria Cathedra sacros li-
bros fuit interpretatus, & in Cæsar-
augustano Minervæo Theatro om-
nium primus, Sacræ Scripturæ Ca-
thedram pluribus rexit annis, Doc-
toris lauro gratis, & pro Deo donato, ut ejus eximia Sapien-
tia Musæum tunc noviter erectum illustraretur. Hebræorum lin-
gua peritissimus, Verbi Divini Celeberrimus extitit Declama-
tor. Testis sit totus Hispanicus orbis, & in eo maximè Salmanti-
ca Civitas, testis & Urbs Cæsaraugustana, in qua quinta ad
Populum quadragesima in Regio S. Mariæ de Gratia Xenodochio,
habita, Virum Orbis admiratus est, conticuit, filuit, obstu-
pefactus, & hærens. His igitur insumptis felicissimi ævi sui an-
nis, cum singulari virtutum, & Religiosæ disciplinæ exemplo
Carmelum illustrans (qui in pubertate Cistercium decorat il-
lustrissimum) Salmanticæ vix quadragesimum agens annum
obiit anno 1604. Scripsit, teste Nicolao Antonio: *Sermones*
Quadragesimales, & de Resurrectione, duobus voluminibus excus-
sis Salmanticæ 1604. in 4. apud Artum Tabernier, & Andræam
Renaut. Barcinone sequenti anno apud Raphaelem Vives, &
apud Sebas. Cormellas.

Sermones de Advento, y Santos, Cæsaraugustæ apud Angelum
Tavanum 1600. in 4. Qua-

Quadragesimalia duo alia Volumina reliquisse in Schedis (refert Nicolaus Antonius) quorum unum vices agit *Davidicorum Psalmorum*, alterum *Pauli Apost. Epist. Commentarii*, item *Mariale*, quod in Bibliotheca Excellentiss. Dom. D. Didaci Arce Reinoso, Inquisitoris Hispaniæ Regnorum Generalis, Regique nostro à Consiliis status, fuisse, referunt Joannes Tamayus in *Martyrologio Hispano*, VIII. die Decembris, & Petrus Alva Tamayum laudans, in *Militia Conceptionis*. Huc usque prælaudatus Nicolaus Antonius tom. 2. Bibl. Hisp. pag. 86. Scripsit insuper *Commentarios in Job*, quorum editioni intercessit Joannis Pineda, Soc. Jes. similis labor in lucem emissus, afferuntur tamen in Bibl. Salmant. Carmelitarum.

R. A. P. M. Fr. Gaspar de Rueda, patria Cæsaraugustanus, ibidem Carmelitarum Sodalibus cooptatus, anno 1612. professus est in Conventu de *Aren.* Peractis Philosophiæ, & Sacræ Theologiæ Studiis, utriusque Facultatis Professor, Magisterii honore decoratus est. In Cæsaraugustana Academia Theologiæ lauro redimitus, Novitiis in Cæsaraugustano Conventu præficitur Magister, quo munere laudabiliter expleto, ibidem obiit anno....

R. A. P. M. Fr. Joannes Muñoz, Cæsaraugustanus, inter Carmelitarum Sodales in patria numeratus est Kalendis Februarii anno MDLXXVI. & sequenti professionem emisit. Vir fuit clara, & excelsa sapientiæ, & virtutis nota conspicuus. R. P. M. Michaelis Ripol, Præceptor, haud exiguum sibi comparavit honorem, tantum Virum in Orbem edens litterarium. Cæsaraugustanæ Academiæ laureatus Doctor, primùm Pompilonensis, dein Cæsaraugustani, & Valentini Conventus electus Prior, quibus præfuit Verbo, præfuit & exemplo. Ejus optima fama, & qua apud Proceres pollebat auctoritate, nonnullas circa Conventus Carmelitarum Excalceatarum D. Joseph foundationem controversias evicit. V. M. Elisabethæ à S. Dominico ejus Fundatrici, suisque Monialibus à Confessionibus, felicissimum suæ vitæ finem commendatum reliquit R. P. Petrus Oxea, Soc. Jes. in vita V. M. Seraphinæ Bonastre pag. 303. cap. 18. Obiit Cæsaraugustæ anno 1627. ætatis vero suæ 65. Scripsit:

Sermones de Quaresima. M. S.

Sermones de Adviento, y Santos. M. S.

Obras de Devocion, y Oraciones. M. S.

De quibus D. Nicolaus Antonius, tom. r. suæ Bibl. Hisp.

R. A. P. M. Fr. Michael Ripol de Arienza, Casaraugustæ ortus, ibidem Carmelitarum indutus est habitu anno 1548. & sequenti solemnem emisit professionem. In Casaraugustano Minervæo Magistri in Philosophia, & Doctoris in Theologia Laureâ insignitus, in Cathedra, quam *Durandi* vocant aliquot annis Theologiam docuit. Inde ad Cathedram Sacræ Paginæ assumptus Bibliorum Sacrorum Expositorem egit. Demum in Primariam translatus, in ea juxta Academiæ leges jus perpetui Professoris adeptus est. Cui tandem cessit, honoribus, & emolumentis Cathedratici Jubilati potitus. Præfectoris omnibus Monasticis intra Provinciam laudabiliter functus est, ut iterata reelectiones testantur. Ter namque Casaraugustani Conventus, & bis totius Provinciæ Prælatus extitit. A Rege Catholico Visitator, ac Reformatior Provinciarum Portugalia, & Sardiniaë destinatus, tanto muneri, sive præ humilitate, sive præ salutis inopia se impari existimans, excusationem à D. Rege postulavit, quam tamen, iterata hac honorificentia obtinuit, ut ipse suo judicio aliquem tali munere dignum ex hac Provincia proponeret; quod, ut præstaret, R. P. M. Valerium Ximenez de Embun (de quo postea) proposuit. Fidei Judicibus Minister à Consultationibus, & Illmo. D. D. Martino de Funes, Canonico Pœnitentiario S. Metropolitanæ Ecclesiæ Salvatoris, & Episcopo S. Mariæ Albarracinensis charus, cujus consilio allocutionem secum à Devotissimo illius Metropolitanæ Ecclesiæ Crucifixo habitam, quoad vixit, non revelavit. Ita D. Didacus Dormer *en la Dissertacion del Martyrio de Santo Dominguito de Val.* Agunt etiam de N. Michael D. Michael Batista de Lanuza in vita V. Elisabeth à S. Dominico, & D. Nicolaus Antonius in sua Bibl. Hisp. Obiit Casaraugustæ die 10. Julii anno 1629. Scripsit: *Tractatus Theologicos*, qui una cum aliis aliorum iidem Carmelitarum in uno Volumine in lucem prodire Casaraugustæ apud Aug. Verges 1670.

R. A. P. M. Fr. Michael Ruzola, V. P. N. Dominici Ruzola, Germanus Frater, Bilbili Parentibus Michaeli, & Hieronyma

ma Lopez Cerverensi natus est die 8. Aprilis anno 1547. Tener adhuc ætate, etsi pietate adultus, Carmelitarum, non Dominicanorum, ut falso aliqui in vita Fratris sui V. Dominici Ruzola somniavere, in patria Habitum induit, in cuius Veritatis testimonium extat approbatio ab ipso facta in libro *Repertorio de los tiempos, &c. compuesto por Francisco Vicente Tornamira*, Typis edito Pompilone apud Thomam Porraris anno 1585. ubi hæc habentur. *Por mandamiento de los Señores del Consejo vi, y examinè yo Fray Miguel Ruzola, Presentado en Theologia, y Prior del Monasterio de Nuestra Señora del Carmen, &c.* subscriptum die 12. Julii anno 1584. Constat insuper ex altero libro edito Casaraugustæ anno 1598. apud Laurentium de Robles: Auctore D. Michaele Martinez del Villar: *Del Patronado de Calatayud, &c.* In quo extat Poema Hispanicum à N. Michaele in laudem Auctoris, & ejus Patriæ compositum. Hæc sufficiant, ut prædictorum Auctorum manifestus error appareat, & N. Michaelem Carmelitam fuisse, agnoscant. E Patria in Casaraugustam translatus ad annum 1565. ut philosophiam addisceret, inde in Valentiam, & Salmanticam profectus, Sacræ Theologiæ operam dedit, cuius Facultatis Laurea decoratus fuit in Casaraugustano Musæo anno 1587. Bilbilitani, & Pompilonensis Conventus semel, & iterum renuntiatus Prior, Casaraugustanum itidem rexit Carmelum, quibus, necnon Vicarii Provinciæ pro casu absentia Provincialis, & Diffinitoris decoratus honoribus obiit Bilbili, prænuntiato, ut fertur, à suo V. Fratre Dominico Ruzola, mortis suæ die, anno ætatis suæ sexagesimo octavo.

R. A. P. M. Fr. Augustinus Nuñez Delgadillo, Baticus, patria Caprensis, Carmelita, præstantissimo ingenio, memoria foelicissima, multaque verborum, ac sententiarum copia, perfervidoque opimos opere fructus colligendi desiderio egregius Concionator, inquit Nicolaus Antonius. Huic supparem nullum suo tempore sapientia, & Divini Verbi declamatione invenit Orbis, & Ordo. Vix dum vigesimum ætatis attingerat annum, publicus factus est in Ossunensi Musæo Professor. Casaraugustam prædicationis causa vocatus in ejus Regali Nocomio quatuor habuit, inconcussa annorum serie, ad Populum

Ium Quadragesimales cursus, tanta Populi acclamatione, ut Patriæ Conscripti Patres, Musæi Patroni in eo publicè docturo hospiti novam Theologiæ Cathedram duplicato stipendio creaverint, ut apud suos tantum detinerent Magistrum, & suæ sapientiæ radiis, quos jam olim Cordubæ, Ursaone, Granatæ, atque Valentiaë diffuderat, Cæsaraugustanam Academiam illustraret. Quam aliquot regens annis, Matritum à Catholica Philippi IV. Curia vocatus inter Concionatores Regis Cooptatus, ibidem denatus est V. Kalendas Augusti anno MDCXXXI. ætatis vero suæ LIX. Cujus funus spisso nobilium, atque Sacrorum Hominum defuncti Sanctimoniam acclamantium comitatu processit. Habita die II. Augusti præfati anni solemnissima funerali pompa, oravit RR. & Sapientissimus P.D. Placidus Franchipane ex Clericis Minoribus : Oratio Typis Carpentanæ Mantuæ vulgata, famam ejus posthumam, toto perennat orbe. Scripsit plura, sed edidit sequentia.

Artificio breve, y claro para todos, particularmente para los Predicadores, quod in 2. tom. de Jardín de Sermones edito Cæsaraugustæ apud Augustinum Verges, anno 1676. continetur.

De la Victoria de los Justos, celebrada por David en el Psalmo XVII. cujus argumentum quatuor Voluminibus se daturum, promiserat. Primum Granatæ excudit, anno 1618. Martinus Fernandez Zembrano in 4.

Primera, y segunda parte de Sermones de Quaresma. Matriti, anno 1629. in 4.

Breve declaracion del Arte de Raymundo Lulio. Primum Compluti 1622. deinde Granatæ 1623. in 8.

Abedecedario Espiritual. Ad Margaritam Infantem Matriti. Habebat parata Typis, ut ipse in Prologo Victoria Justorum ingenue, & veraciter fatetur.

Desposorios de Christo, y el Alma sobre el Psalmo XLIV. quinque tomis.

- 1. tom. *Prendas del Amante.*
- 2. tom. *Christo enamorado del Alma.*
- 3. tom. *Diligencias del Amor Divino.*
- 4. tom. *Alma enamorada de Christo.*
- 5. tom. *Bodas de Christo, y el Alma.*

- Estados del Alma* quinque partibus.
1. pars. *Alma sin Fè.*
 2. pars. *Alma con Fè, y en pecado.*
 3. pars. *Alma deseosa, y embarazada.*
 4. pars. *Alma determinada, y penitente.*
 5. pars. *Alma justificada.*

Hambre de Dios libro singulari. *Brevedad de la vida*, tom. I. *Fortaleza del Alma* tom. I. *Humildad, y sus excelencias* tom. I. *Lazos del amor sobre el Pater noster* tom. I. *Querellas del amor* tom. I. *Inconstancia de la Fortuna sobre el Evangelio del Rico Avariento* tom. I. *Toques Divinos sobre el Evangelio del Prodigio* tom. I. *Provechos de la Comunión* tom. I. *Concepcion de Na. Señora sin pecado original* tom. I. *Del amor de Christo al Alma* tom. I. *Espuela del Amor Divino* tom. I. Latinè *insuper paratum habuit In prim. part. Div. Thom. volumen unum.* Quos libros etiam recenset D. Nicolaus Antonius. Si forsam quæras, cur tanta Doctissimi Viri monumenta publica non perfuantur luce? Lege, obsecro, Prologum *Victoria Justorum*, & miraberis ingeniam tanti Viri confessionem, paupertatisque Religiosæ, quanto æstuebat desiderio. Asservantur tamen ejus scripta Matrivi in Biblioth. Carmelitarum.

R. A. P. M. Fr. Joannes Ximenez, Bilbilitanus, in eisdem Civitatis Carmelitarum Conventu Sacræ Religioni nomen dedit, & in eodem professus est. Excellenti ingenio præditus, & Religiosis moribus optimè instructus, per Lecturæ gradus ad Magisterii fastigium ascendit. In Universitate Casaraugustana Doctoralibus Infulis decoratus, post Bilbilitani, Ergavicensis, & Casaraugustani Conventuum præfecturam, ad totius Provinciæ regimen assumptus est. Cathalonix, & Beticæ peracta Visitatione, ad suos rediens, Casaraugustæ finem imposuit vitæ die 22. Maii anno 1631. Agunt de eo P. Thomas Muniessa, Soc. Jes. in vita Ducissæ de Villahermosa, & specialiter P. Petrus Ojea in vita V. M. Seraphinæ Bonastre pag. 340.

Illustrissimus, ac Reverendissimus D. D. Fr. Valerius Ximenez de Embun, Alagone propè Casaraugustam ortus, Casaraugustæ Sacrum sumpsit Carmelitarum habitum, & ibidem solemniter professionem emisit die 14. Aprilis anno 1593. In

Cæsaraugustana Academia, tùm Magistri in Philosophia, tùm Doctoris in Sacra Theologia redimitus lauro, Vespertinam Cathedralam moderatus est. Moribus integris, & multa vir doctrinâ, post plurium Conventuum administrationem in Comitibus Valentinis Prior Provincialis electus est. Sardiniam Vicarius Generalis iustravit. Philippi III. Hispaniarum Regis iussu totius Cleri, tam Sæcularis, quàm Regularis Hispaniarum, Lusitaniæ, atque Sardinia ad ejus reformationem per maturum efformavit iudicium, ab eo ducentorum ducatorum annuâ pensione remuneratus. Tandem post utriusque Castellæ, Beticæ, & Portugaliæ Provinciarum visitationem, ab eodem Philippo III. Alguerensis Episcopus in Sardinia sub Metropoli Turritana proficitur, sed Deo aliter providente, priusquam inauguraretur, obiit Cæsaraugustæ die 17. Septembris anno 1634. ætatis vero suæ 57. Scripsit:

Estimulo à la Devocion de la antigua Orden de Na. Sra. del Carmen, y la Historia, y sucesos de esta Sagrada Religion, desde su Fundador el Santo Profeta Elias, hasta los años MCXCVII. Cæsaraugustæ 1604. per Angelum Tavano.

Forma de instituir la Cofradia del Santo Escapulario del Carmen.

Notas à la Regla del Carmen tom. 2. quorum prior editus est Cæsaraugustæ apud Petrum Verges anno 1633. in 8. posterior servatur M. S. in Bibliotheca D. Joseph.

Carta exhortatoria à las Religiosas de la Provincia de Aragon, del Orden de Na. Sra. del Carmen. Cæsaraugustæ excussa.

Tratado de la Oracion del Pater Noster, quem Didacus Muriello in Hist. Deiparae del Pilar, & Vincentius Blasco in Aragonensi Valerio nostro adjudicant.

Commentaria in Sacras Carmelitarum Constitutiones libro uno comprehensa.

Perfæctus Prelatus, & Subditus lib. uno.

De Viris Illustribus Carmelitarum.

Vistas de varias Provincias de España, y sus Islas tres tom. M. S. servantur in Biblioth. Superiori Collegii D. Joseph Cæsaraug. scrinio 9. num. 145. 146. 147.

Constitutiones del Colegio del Carmen de Coimbra M. S. affer-

vantur in eadem Biblioth. scrinio 16. num. 96. *Visitas, Aetas, y Estatutos de la Provincia de Portugal M. S.* scrinio 16. num. 97. ejusdem Biblioth.

Bibliotheca copiosa N. Collegii S. Joseph Casaraugustani (etsi à nobis paucis tomis adaucta) ad usum N. Valerii fuit, & post ejus mortem N. Collegio legata. In cubili amplo ejus cellæ proximo reservata, ejus studiis inserviebat. Quomodo vero Religiosus pauper sine vitalitia aliqua substantia septem millia volumina collegit, omnibus Emblema latens, nisi fortè, quia existens Prælatum, nec ovum ab aliquo fratre recepit. Sic fiunt in claustro memoranda ista Mirabilia, quæ omnes mirantur, & Deus solus operatur.

R. A. P. M. Fr. Raymundus Lumbier, Navarrus, patria Sangossanus, ibidem Carmelitis adscriptus, Bilbili, quò studii Philosophiæ causa missus est, professionem emisit die 28. Aprilis anno 1633. In Universitate Casaraugustana Theologiæ laurea accepta, Scoti Cathedram primum rexit, dein in Sacræ Scripturæ Cathedram translatus, ultimo Primariam, quam Jubilatus honoravit, obtinuit, triginta & duobus annis in ea suæ sapientiæ diffundens radios. Aragoniæ, Supremique Senatus S. Inquisitionis Patrum Consultor Theologus, Regique Catholico à Concionibus, Archiepiscopatus Casaraugustani Synodalis Examinator, tertio Aragoniæ Provinciam rexit Prior Provincialis. Divini Verbi Declamator egregius, quintum ad Populum quadragesimalem cursum habuit in Regio Nosocomio S. *Maria de Gratia*, toto orbe celeberrimo, perpetuus ab ipsius Senatoribus Concionator præelectus. Collegii D. Joseph Casaraugustani Fundator, in ejus, aliisque Conventus fabricis perficiendis, ducenta scutorum millia consumpsisse dicitur. Hujus incomparabilis Viri egregia encomia apud plures reperies politiori calamo conscripta, maximè apud P. Thomam Munieffa, Soc. Jes. tom. 1. de *Essent. & Attrib.* pag. 327. & apud D. D. Josephum Boneta, Casaraugustanæ Academiae Doctorem Theologum, & S. Metropolitanæ Templi Portionarium, qui ejus vitam in lucem dedit Casaraugustæ anno 1687. apud Dominicum Gascón. Obiit Casaraugustæ die 1. Augusti anno 1684. Ex millibus ex tota Hispania ejus Sepulchro oblatis Epitaphiis, hic unum,

untum, quod ejus Discipulus Dr. Boneta; Magistrum parentavit,
adjiciam:

Quid dubitas posse hunc, tam stricto marmore cingi?

Non quod erat, qui erat, est: Ignis erat, Cinis est.

Plura scripsit continuis totius Hispaniæ, imo & Indiarum Con-
siliis districtus, ex quibus hæc in lucem prodire.

De Essentia, & Attributis Dei Cæsaraug. apud Joannem Ibar
anno 1677. in 8.

De Visione Dei ibidem apud eundem anno 1674. in 8.

De Scientia Dei Cæsaraugustæ apud Dominicum Gascón an-
no 1668.

De Voluntate Dei ibid. apud Ibar anno 1676. in 8.

De Sanctissima Trinitatis Mysterio ibid. apud eundem an-
no 1675. in 8.

De Fide Divina Cæsaraug. apud eundem anno 1675. in 8.

De Incarnatione, Gratia, & Scientia Christi Cæsaraugustæ
apud Paschasium Bueno anno 1678.

Quos omnes tractatus, in duplici collectos tomo in fol. ite-
rum excudit, primum Cæsaraug. apud Pasch. Bueno anno 1678.
Secundum ibidem apud hæredes Augustini Verges anno 1680.
Scripsit insuper *Fragments Morales* Cæsaraugustæ Typis Domi-
nici Gascón anno 1683. tertio jam excusis.

*Sobre las Proposiciones Condenadas por Inocencio XI. y Alexan-
dro VII.* Cæsaraug. anno 1683. & alibi pluries in 4.

Earundem opus latinum Barchinone anno 1682. apud Typo-
graphiam Mathevat per Martinum Gelabert in 4.

Summam Moralem N. Joannis Anastasii de Arana concina-
vit, & pluries Cæsaraugustæ edidit in 4.

La Josephina, id est, *Sermones de San Joseph* Cæsaraugustæ
apud Augustinum Verges anno 1676. in 4.

Collegit Sermones varios, quos duplici tom. in lucem edidit
R. P. Præf. Matthæus Maya Cæsaraugustæ apud August. Verges
anno 1676.

Inedita, plura, quam edita reliquit, quibus excudendis vix
thesaurus suffecisset.

Sacræ Theologiæ tom. 9. M. S.

Item tomum unum, in quo probat, quod Spiritus Sanctus,

sensu litterali loquitur de S. Josepho, ubicumque de Josepho Jacobi Filio, loquitur.

Apologiam Librorum V.M. Mariæ de Agreda, quæ fuit omnium prima, quæ pro ejusdem libris scripta fuit. Inter legentium manus periit.

Tomum, in quo resumit Biblia Sacra, ut possibili modo comprehendantur.

Sermones Funebres tom. unum.

Sermones Panegyricos tom. 3.

Consultationes Bibliothecam implerent, sed hæc fere omnia M. S. vel temporum injuria, vel studentium ambitione periere.

Quadragesimalia, quibus usus erat, post ejus mortem, nepoti suo A. R. P. M. Fr. Raymundo Sos commendata, in Conventu Sangossano, vel deperdita, vel latent.

Illustrissimus, ac Reverendissimus D. D. Fr. Franciscus la Torre, patria, habitu, & professione Cæsaraugustanus, vitam hausit auram anno 1595. Religionem ingressus anno 1610, & sequenti illam canonicè professus est. Elapso in Religione Philosophiæ, & Theologiæ curriculo, in Cæsaraugustano Lycæo Sacræ Theologiæ redimitur lauro. Cæsaraugustani Conventus renuntiatus Præsul, tantam sibi comparabit boni Præsulis famam apud nostrum Catholicum Philippum IV. ut eo postulante, designatus sit Episcopus Auxiliaris S. Ecclesiæ Oscensis, cum jure ad futuram successionem, qua morte præventus perfrui haud potuit. Obiit enim ipso suæ promotionis anno 1634.

R. A. P. M. Fr. Hieronymus Sobrino, Aragonus, patria Alagonensis, Cæsaraugustæ Sacram Carmelitarum Vestem induit die . . . mensis Septembris anno 1593. & ibidem die 15. Septembris professionem emisit. Audita Philosophia, atque Theologia, utriusque Facultatis Lector institutus est. In Cæsaraugustano Musæo Doctoris laurea decoratus, ejus scientia, & prudentia apud Sacros Fidei Judices probata, à Supremo Inquisitionis Præsule inter Qualificatores propositionum, ac rerum Fidei Censores adscriptus est. Oscensis Conventus designatus Prior, integro boni Præsulis muneri strenuè satisfecit. Procerum Cæsaraugustanorum judicio altioribus infelis dignus, ob ejus notam, & commendatam virtutem, non semel ab Aragoniæ Pro-

Protegiſibus apud Catholicum Regem commendatus eſt, ut Episcopali præficeretur muneri. Imò, & Illuſt. D.D. Petrus Gonzalez, Archiepiſcopus Caſarauguſtanus, nedum ejus interdum utebatur Conſilio, ſed & illum in humili ſua Cellula sæpè sæpius humaniſſime viſitabat. Obiit Caſarauguſtæ die prima Februarii anno 1639.

R. A. P. M. Fr. Franciſcus Lucèa, patria Caſarauguſtanus, ibique Carmelitarum indutus habitu anno 1609. profeſſionem ſolemniter emiſit anno 1611. Philoſophiam, atque Theologiam primum apud Domesticos docuit, dein in Caſarauguſtana Uni-verſitate utriuſq̄ Facultatis decore laureatus, primo Philoſophiam per ſexennium in ea legit, Cathedratici decoratus titulo, ab anno ſcilicet 1629. uſque ad annum 1635. Deinde in Theologia Cathedram ibidem aſſumptus, in Scoti Cathedra, quoad vixit, Theologiam docuit, ad alias evehendus, ſi præmatura mors eum è vivis non ſubſtulſſet, mortuus eſt enim anno 1640.

R. A. P. M. Fr. Martinus Ximenez de Embun, Almoldæ, in Dioceſi Oſcenſi natus (non *Lanuzæ*, ut inquit Nicolaus Antonius tom. 2. fol. 115.) Sacro Carmeli habitu indutus eſt Caſarauguſtæ die 24. menſis Novembris anno 1611. & ibidem elapſo approbationis anno profeſſus eſt die 24. menſis Novembris anno 1612. Decurſis ſummo cum plauſu Lecturæ, tum Philoſophiæ, tum Theologiæ, annis, in Oſcenſem Academiam ex obedientia directus, illius Cathedras ſapientiſſimè regens, magnum ſibi, & Ordini comparavit honorem. Inde Caſarauguſtam reverſus, & in ejus Academiam cooptatus, in Durandi Cathedra primum Theologiam docuit, dein Sacræ Paginæ Interpreter inſtitutus, & in Veſperinam tranſlatus, Primariam poſtremo Cathedram adeptus eſt. Inter celebriores ſui ſæculi celeberrimus exitit Eccleſiaſtes, ſat ſit pro illius facundia encomium, quod cum in Regio *S. Maria de Gratia* Noſocomio Eccleſiaſtem quadrageſimalem ageret, tanta dicendi copia, tanto fervore ſpiritus, tantaque perſuaſionis efficacia contra luſoria, & inhoneſta vitia invectus fuit, ut Rectores Urbis publico edicto comburi juſſerint, ac publicè comburi fecerint luſorias menſas, ac mulieres inhoneſtâ vitâ ſcandalum ingerentes pœna debita caſtigari. Ejus doctrinæ fama permotus Catholicus Philippus IV.

qui ut Cathalonix tunc bellis tumultuanti provideret, Cæsaraugustæ Regiam suam fixerat, Patriarchæ suorum Concionatorum Præfecto indixit, ut egregium istum Magistrum inter Concionatores suos cooptaret. Quem, ut audivit Catholicus Monarcha, *Famosi Aragoniensis* titulo decoravit. Cum hac humanarum, & Divinarum Litterarum peritia, conjunctam habuit prudentiam, ac regendi dexteritatem, cujus specimen dedit, primum in Cæsaraugustano Conventu, in quo Priorem egit, dein in tota Provincia, quam ut Prior Provincialis moderabatur, cujus regimen absolvere haud valuit, morte præventus die 17. Februarii anno 1645. Scripsit:

Tractatus Theologicos de Beatitudine, Actibus Humanis, & de Peccatis Cæsaraug. apud Dominicum Gascòn anno 1683. De quibus Nicolaus Antonius tom. 2. Biblioth. Hisp. pag. 115.

De Mensibus, & Annis Sac. Script. M. S. asservantur in Bibl. D. Joseph scrinio 10. num. 66.

Sermon de Na. Señora del Carmen quem in lucem edidit tom. 1. *Jardin de Sermones* R. P. Præf. Matthæus Maya Cæsaraugustæ apud Augustinum Verges anno 1676.

R. A. P. M. Fr. Antonius Ochoa, Cæsaraugustæ ortus, in patria Sacrum Carmelitarum induit habitum die 23. Decembris anno 1624. & 25. ejusdem mensis recurrente anno professus est. Bilbili Artium Lectoris expleto munere, Cæsaraugustæ Sacram Theologiam docuit, & in ejus Academia inter Sacræ Theologiæ Doctores cooptatus est, cujus nonnullas Cathedras moderatus fuit, Cathedraicus Substitutus. Obiit adhuc Juvenis anno 1654.

R. A. P. M. Fr. Antonius Gavella, Rubeolis, in Aragonia natus, Sacrum Carmelitarum sumpsit habitum, & Cæsaraugustæ professus est die . . . mensis . . . anno . . . Postquam in Bilbitano Conventu Philosophiam docuit, & in Cæsaraugustano Theologiam, ejusdem Facultatis Lauream in Cæsaraugustana Academia adeptus est. Insignis Divini Verbi Declamator quinque supra viginti cursus quadragesimalium Concionum in diversis Cathedralibus peregit. Ab Illmo. Cæsaraugustano Archiepiscopo Beneficiorum Examinator institutus est. Hujus sapientissimi Magistri sat sit pro gloria, quod duos illos incompara-

parabiles Viros Raymundum Lumberium, & Dionysium Blasco, Discipulos habuerit, si namque ut dicitur Prov. cap. 13. ver. 1. *Filius Sapiens Doctrina Patris*. Quanta hujus Magistri sapientia fuerit, ex Discipulorum conjicies sapientia. Obiit Cæsaraugustæ Prior, nondum expleto Prælationis officio die secunda Septembris anno 1657.

R. A. P. Fr. Marcus Antonius Alegre de Casanate, Aragonus, Turiasonenſis, Ordinem Carmelitarum, Cæsaraugustæ, ingressus est anno 1609. idque, dum Pater eum Curię invicem avunculi, quem à Secretis habebat Philippus III. annuente ipſo Rege, destinabat: industriam suam eò totam contulit, ut præter Conciones ad Populum ex munere habitas, de antiquitate, nobilitate, rebusque præclare gestis Carmelitarum commentaretur, factus interea Cæsaraugustani Licæi Sacrę Theologię Doctor. Sadavenſis, ac Rubeolenſis Conventus Prioris munus egit. Inde Cæsaraugustam repetens, plenus dierum, & bonorum operum, pluribus ægritudinibus afflictus, maximè podraga, qua diu ante obitum ita vexatus fuit, ut nulla pars sui corporis posset ei ad humanos usus deservire, nisi manus ejus dextera, qua, Deo providente, assiduè ad scribendum utebatur, obiit anno 1658. Scripsit:

Paradyſus Carmelitici decoris Lugduni anno 1639. in fol. cui appenditur.

Apologema, sive murus defensionis pro Joanne Patriarcha XL. IV. Hierosolymitano. Duobus tractatibus, quorum prior de illius illibata fide, & sanctitate, posterior de ejus Carmelitica professione, & quod Auctor sit libri de *Institutione Monachorum* in lege veteri exortorum, & in nova perseverantium, tractat. His adjungitur.

Encomiaſtica in Celebratione Comitiorum Provincia Aragoniæ Carmeliticæ Mariana Religionis Declamatio anno MDCXVII. Kalendaris Novembris Valentie habita.

Joannis Trithemii de laudibus Carmelitana Religionis, liber diligentissimè recognitus, & restitutus. Omnia hæc simul ediderunt Lugdunenses.

De los Milagros de Na. Sra. del Carmen lib. unus.

De Sacris Operibus lib. unus, qui Typis Petri Verges prodierunt anno 1625. in 8.

Sobre el Evangelio de los talentos lib. unus.

Vida, y Encomios de San Prudencio, Obispo de Tarazona, Catalogo de sus Obispos, y de algunos successos notables de aquella Ciudad. Cesaraugustæ apud Petrum Verges anno 1626.

Habebat prælo parata manuscripta sequentia, quæ in Bibl. inferiori Collegii D. Joseph Cesaraug. servantur.

Commentarios Morales super Regulam primitivam Carmelitarum duobus tom. in fol.

Vida de Na. Sra. y favores suyos por N. S. Escapulario fol.

Flos Sanctorum sui Ordinis fol. tom. 1. 2. 3. 4.

Sermones Quadragesimæ, Adventus, & de Sanctis tomis novem. Martyrologium Carmelitarum.

Ceremoniale Sanctimonialium Ordinis Carmelitarum è Latino in vulgare Idioma conversum.

Orationes Sacre diversis locis habita per Hispaniam. Idioma Latino conscriptæ.

Illustrissimus, ac Reverendissimus D. D. Dionysius Jubeo, Aragoniensis, in Civitate Barbastrensi, nobili stirpe natus, Salmanticæ Sacrum Carmelitarum sumpsit habitum, & ibidem professionem emisit. Inde ad suos revertens, Oïcensi Conventui adscriptus est. Philosophiæ, & Sacræ Theologiæ Lector institutus, expleto laudabiliter munere, Magisterii titulum adeptus est. Propositionum Fidei Censoris munere apud S. Inquisitionis Tribunal decoratus, & Prior Cesaraugustanus electus, in Academia Cesaraugustana Sacræ Theologiæ lauream accepit, in qua Cathedram Scoti aliquot rexit annis, donec illam dimittere coactus est, itineris causa, quod in Germaniam instituit, ut Germani Fratris defuncti negotiis provideret, qui apud Augustissimum Ferdinandum III. Imperatorem munus egerat Eleemosynarii Majoris. Eidem ergo Imperatori hac occasione Noster Dionysius agnitus, & in honore propter egregias illius dotes habitus, Concionatoris sui titulo decoratus, non diu post in Episcopatum Bacensem Suffraganeum Archiepiscopatus Ragusini promotus est. In cujus possessionem, cum jam per Galliam ex Hispania proficisceretur, Romamque pergeret Ecclesiastico ritu consecrandus, Auloronii in Gallia morte præventus est anno 1658. Noster Illust. Dionysius (nota ut equivocatio-

nam vites) Consobrinus fuit alterius Dionysii Jubero itidem Carmelitæ, de quo Egregius Nicolaus Antonius in sua Biblioth. Hisp. tom. i. litt. D. ad pag. 251.

R. A. P. M. Fr. Nicolaus Ricarte ortus est CęsarAugustę, ac in ejusdem Urbis Carmelitarum Conventu sacro indutus est habitu anno 1607. & sequenti professus est. In CęsarAugustana Academia Doctorali Theologiæ Laurea insignitus, in eadem sæpè sæpius Cathedratici vices egit pro R. A. P. M. Fr. Michaele Ripol de quo supra. Zelus, ac Religiosa Observantiæ studium in eo maxime floruit, quapropter tum Pompilonensis, tum Bilibitani Conventus invitus Prior renunciatus, hoc suis in posterum mirandum reliquit exemplum, quod cum juxta Ordinis Constitutiones nequeat in Prælatum eligi, qui ægritudinis habitualis causa, communem vivendi formam observare haud valet, quoties Prior existens, ægrotare contingeret, noluerit Prioris vocem, nec locum habere, quousque in omnibus exercitiis communem observaret vitam. Eximius Divini Verbi Declamator magno Auditorum fructu per viginti annos in gravioribus Provinciæ Cathedralibus quadragesimales habuit ad Populum Conciones. Obiit CęsarAugustę mense Martio anno 1660.

R. A. P. M. Fr. Martinus Perez de Nagore, CęsarAugustę, nobilibus Parentibus ortus, ibidem Carmelitis adscriptus est die mensis anno 1608. & in sequenti canonicè professus est die mensis Post Philosophię, & Sacrę Theologiæ Lecturam, ejusdem Sacrę Facultatis laurea in Universitate CęsarAugustana decoratur. Propositionum Fidei Censoris, tum apud Aragonię, tum apud Valentini Regni S. Inquisitionis Tribunal, munus egit. Rubeolis, & CęsarAugustani Conventus Prior institutus, illos summa cum prudentia per trienium rexit. Elector Generalis factus, & in Urbem pro Generalis electione perveniens, ibidem in demortui Provincialis locum successus est. In sequenti autem Capitulo Valentini celebrato Prior Provincialis eligitur, quo munere summa cum laude expleto; nomine, & auctoritate RR. Patris Ordinis Cathalonicam visitavit Provinciam, ac in ea præfuit Capitulo, quo Pręsidis honore iteratis Aragoniæ Capitulis functus est. Postremum clausit diem CęsarAugustę die 19. Martii anno 1662. Scripsit:

Sermon de Santa Maria Magdalena de Pazzi, excussum Cæsaraugustę apud Aug. Verges anno 1672.

+ R. A. P. M. Fr. Joannes Anastasius Arana, Navarrus, Pompilonensis, Carmelitarum habitum in patria suscepit, & ibidem solemnem professionem emisit. Philosophię Lector institutus, eam in Conventu Pompilonensi Sodales docuit, inde Sacram Theologiam, quam, & Cæsaraugustę prosequutus est. In ejus Litterario Minervæ Sacrę ejusdem Facultatis laureatus Doctor, per sexenium Philosophiam in eo publicè docuit. Provincię Aragonię Diffinitor, & Collegii D. Joseph Cæsaraugustani designatus Rector obiit præmatura morte præreptus die 19. Maii anno 1663. Scripsit:

Summistis, Summulas Morales, qui Scholas non salutavere, utilissimum opus, ad terminos scholasticos capeßendos, qui passim in Summis reperiuntur, Cæsaraugustę anno 1667. apud Joannem de Ibar, & ibidem apud alios pluries excussum.

- R. A. P. M. Fr. Ignatius Ferriz, Alagone, propè Cæsaraugustam ortus, in Regali Cæsaraugustano Carmelo Sacrę Militię nomen dedit anno 1644. & sequenti professionem emisit. Bilbili Philosophiam docuit, & Cæsaraugustæ Sacram Theologiam, in cujus Lycæo inter Doctores Theologos adscriptus est. Studiis, & simplicitati cordis strenuè addictus, Bilbili denatus est, cum ejus Conventu Prioris munus obiret anno 1665.

- R. A. P. M. Fr. Joannes Ximeno, Aragonus, Cariñenæ ortus, Cæsaraugustę Carmelitico induitur habitu anno 1637. & ibidem recurrente anno professus est. Bilbili Aristotelicam docuit Philosophiam, & Sacram Theologiam Cæsaraugustę, in cujus Litterario Minervæ inter Doctores Theologos adscriptus, & candidatus est. Ergavicensis Conventus Prior designatus, illum prudentissimè gubernavit. Obiit XI. Kalendas Augusti anno MDCLXVII.

- R. A. P. M. Fr. Albertus Sòs, Sadabæ ortus, ibidem Carmelitarum sumpsit habitum, & in Conventu Pompilonensi professus est anno 1634. Litterariis Cursibus expletis, & Magister de justitia nuncupatus, in Cæsaraugustano Musæo Doctoris Lauream adeptus est. Apostolicis Causarum Fidei Judicibus à censura Theologica, Prior Cæsaraugustani Conventus de-

signatus est. Demum Prior Provincialis Valentiaë electus, priusquam à RR. P. Ordinis electionis confirmationem obtineret, obiit Cæsaraugustæ die 23. Junii anno 1676.

R. A. P. M. Fr. Josephus Clavèr, Epilæ, in Diœcesi Cæsaraugustana ortus est. Cæsaraugustæ Carmelitis adscriptus die... mensis anno 1640. sequenti professus est die mensis. . . . Peractis de more Philosophiæ, & Sacræ Theologiæ Studiis, per Lecturæ gradus Magisterii fastigium adeptus est, & in Cæsaraugustana Academia Sacræ Theologiæ condecoratus Laurea. Pompilonensis Conventus renunciatus Prior, illius Diœcesis Synodalis Examinatoris partes egit. Inde Cæsaraugustanum rexit Conventum, ad majora evehendus, ni præmatura mors eum è vivis abstulisset die 16. Februarii anno 1677.

R. A. P. M. Fr. Laurentius Angelus Espin, Sariñenæ, in Aragonia, Diœcesis O. censis, Nobilibus Parentibus Petro, & Elisabeta Salillas ortus est die 15. Aprilis anno 1598. Cæsaraugustæ Carmelitarum sumpsit habitum ipso suæ nativitatis recurrente die, ætatis vero suæ decimo quinto, & solemnem emisit professionem sequenti, die 19. Aprilis. Philosophia, atque Theologia apprime instructus, illam Bilbili, hanc Oscæ professus est, ac in ejus Sertoriana Oppositorem agens, in aliorum concursu doctissimas habuit prælectiones. Magister de justitia nuncupatus, in Cæsaraugustana Universitate Theologiæ Laurea decoratus, inter illius Doctores diu Decanus vixit. Variis in Religione functus est Officiis, præsertim vero Prioris, sub cujus titulo Conventum Cæsaraugustanum rexit; Visitatoris Generalis in Insulis Balearibus, & in Cathalonæ Provincia Generali, Regiæ, & Apostolicâ commissione munitus, & Assistentis Generalis pro Hispaniarum, & Lusitanæ Provinciis. Hujus V. & Sapientissimi Magistri, virtutes largius commendatas habes in ejus vita exemplari, quam unâ cum aliorum Sanctorum, & Venerabilium Virorum in lucem edidit D. D. Josephus Bonera, in Cæsaraugustana Academia Sac. Theol. Doctor, & in Metropolitana Ecclesia Portionarius, Cæsaraugustæ anno 1680. Typis Dominici Gascôn: ubi dignissima reperies elogia in laudem hujus incomparabilis Magistri, ab ingeniosis Viris metricè composita. Quibus jure adjiciendum censeo, quod de eo habet

P. Josephus Andrès, Soc. Jes. in Decore Carmeli, Cæsaraugustæ edito Typis Joannis de Ibar anno 1669. pag. 423. num. 318. ubi eum vocat *Angelicum Virum*, &c. Obiit Cæsaraugustæ die 30. Aprilis anno 1679. Scripsit:

Consulta varia Theologica, Juridica, Moralia, & Historica in fol. Typis Joannis de Ibar Cæsaraugustæ anno 1669.

Ruina del Idolo del Carmelo. Item Explicacion de un lugar de Suetonio, y Examen Justificado de la verdad, &c. Cæsaraugustæ apud Hæredes Augustini Verges anno 1678. Qui libri Apologetici, sicuti & illi, contra quos directi sunt, extinguendi ignis causa, S. Inquis. decreto hodie non leguntur.

Scripsit insuper *Defensorium Patriarchatus Eliæ* in fol.

Clypeus Carmelitarum tom. I. 2. 3. in fol.

De S. Cyrilli Constantinopolitani Carmelita Sanctitate, & Oraculo. Qui omnes M. S. asservantur in Bibl. inferiori Collegii D. Joseph, sub litt. M. num. 110. 111. 112. 113. 114.

Scripsit insuper quinque tomos *Theologiæ Moralis*, (sed Proh dolor!) cum è Roma alibi typis excudendos mitteret, unà cum navi maris fluctibus sepulti sunt.

Illust. ac Reverend. D. D. Fr. Petrus Tris, Bilbili, in Aragonia ortus est ex Joanne Michaele, & Spe, vel vulgo Esperanza Lacal Nobilibus Parentibus die 26. Junii anno 1623. In patria Carmelitarum sumpsit habitum die 20. Februarii anno 1637. ibique tyrocinio peracto professus est die 2. Julii anno 1639. In Philosophia, & Sacra Theologia apprime instructus, illam Sangossæ, in Regno Navarræ, hanc Cæsaraugustæ laudabiliter docuit, & in ejus Universitate Sacræ Theologiæ decoratus est Laurea die 28. Octobris anno 1652. Bilbilitani, & Cæsaraugustani Conventus præfectus Prior, tandem Valentia die 14. Aprilis anno 1663. Prior Provincialis electus est, quo munere exactissimè expleto, Episcopus Albarracinensis creatur, & Valentia in Ecclesia sui Ordinis consecratus fuit per manus Illust. D. D. Anastasii Vives, itidem Carmelita, Episcopi Segobricensis, Assistentibus Illust. D. D. Joanne Baptista Sorribas, pariter Carmelita, Episcopo Ampuriensi, & Josepho Barberà, Episcopo Maronensi. Deputatus Generalis totius Aragoniæ Regni, semel & iterum ipsi præfuit, & ex commissione Caroli II. vices

ges-

geſit Miniſtri Regii in Viſitatione Regii Noſocomii *S. Mariae de Gratia*. Obiit in ſua Sede die 3. Julii anno 1682.

R. A. P. M. Fr. Dionyſius Blaſco, Aragonus, natus eſt in Oppido *Utrillas*, propè Montalbanum anno 1610. vigeſimo ſuae ætatis anno Carmelitis cooptatus eſt Ceſarauguſtæ, ubi Philoſophiam, & Sacram Theologiam docuit. Inter Doctores Ceſarauguſtani Muſæi adſcriptus eſt, ſed quia tunc temporis vigere cœperat egregii, & incomparabilis Viri Raymundi Lumbier, ejus Condiscipuli fama, cum una Ceſarauguſtana Academia utriuſque litterariis progreſſibus non ſufficeret, Prælatorum judicio Dionyſius ad Oſcenſem directus eſt. In ea igitur Philoſophiæ Magiſter nuncupatus, illam docere cœpit anno 1647. & uno ſupra triginta annis publicè Theologiam docuit, ab anno ſcilicet 1651. ad annum uſque 1682. omnibus ſucceſſivè obtentis Cathedris uſque ad Primariam, in qua docendi finem impoſuit, Jubilati honoribus, & privilegiis potitus. Hujus feraciſſimi ingenii acumen maximè enituit in litteralis concertationibus, in quibus Coalumnos adeo exercuit, & argumentorum vi torſit, ut non ſemel publici propugnatores coacti fuerint ab eo ſeſe fateri victos, & interdum ab ipſo petere ſolutionem, à quo exceperant argumentum. A Supremo S. Inquiſ. Senatu ultro Propositionum Fidei Cenſoris decoratus munere, & ab Illmo. Oſcenſi Epilcopo inter Synodales adſcriptus Examinatores, ſemel & iterum Oſcenſi præfuit Conventui, & Provinciæ præſuiſſet, ni vel ejus recuſaſſet modeſtia, vel Academici Profeſſoris munus cum detineret. Obiit Oſcæ die 18. Junii anno 1683. Scripſit:

Hortulus Philoſophicus, ſive Synopſis totius Philoſophiæ Ceſarauguſtæ anno 1668. apud Joann. Ibar in 12.

Curſus Philoſophicus, juxta Graviffimam D. Ref. Doctrinam tom. 1. apud Joann. Ibar Ceſarauguſtæ anno 1672. in fol.

Ejuſdem tom. 2. in fol. ibidem anno 1676. Cui egregio operi adnexuit totius Philoſophiæ Ariſtotelicæ textualem expoſitionem, his qui pro Philoſophica obtinenda laurea lecturi ſunt, utiliſſimam.

Theologica Baſconica tom. 1. in fol. editus Lugduni anno 1680. continet.

- *Præmialia ad Theologiam Scholasticam.*
- *Totam Agiographiæ Doctrinam.*
- *Recopilationem Hæresiarum, & Hæresum ab exordio mundi usque ad ejus tempora.*
- *Tract. de Essentia, & Exist. Visione, & Beatitudine Dei.*
- *Textualem Expositionem Mag. Sent.*
- *Theologiæ Bachonica, tom. 2. in fol. excussus Antuerpiæ anno 1687. continet.*
- *De Deo Uno, & Trino.*
- *De Angelis, & Opere sex Dierum.*
- *Scriptit insuper Sermon de San Agustín, quem tom. 1. Jardín de Sermones in lucem dedit R. P. Præf. Matthæus Maya.*
- *Scriptit opus Astronomicum, de quo ipse sæpè memoriam facit in suo tom. 2. Philosophiæ, pag. 355. & 357. & alibi.*
- *M. S. ejus asservantur in Collegii D. Joseph Cæsaraugustani Bibl. superiori, & sunt sequentiæ:*
- *De Eucharistia.*
- *De Matrimonio.*
- *De Actibus Humanis.*
- *De Peccatis.*
- *De Pœnitentia.*
- *Quæ omnia asservantur scrinio 10. num. 43.*

R. A. P. M. Fr. Josephus Angelus Vidania, Cæsaraugustæ ortus, in ejus Regali Carmelitarum Conventu Religionem ingressus, in eodem solemnibus votis constrictus est anno 1643. Absolutis Philosophiæ, & Sacræ Theologiæ Studiis, per Lecturæ Cursus Magisterii fastigium ascendit, & in Academia Cæsaraugustana Doctoris Lauream accepit. Diu postmodum ab Illmo. Archi-Præsule inter Synodales Examinatores cooptatus, reluctans Prior extitit Conventus Oscensis, dein Rector Collegii D. Joseph electus est, & aliquando Prioris egit vices in Cæsaraugustano Conventu, in quo finem imposuit vitæ XVI. Kalendas Januarii anno MDCLXXXIX.

R. A. P. M. Fr. Dionysius Petrus Grañen, & Blasco, celeberrimi Dionysii Blasco ex Sorore Nepos, Cæsaraugustæ in Carmelitarum Conventu Sacrum sumpsit habitum anno 1671. & sequenti sacra se obstrinxit professione. Philosophiam primum

num Cæsaraugustæ, dein Bilbili docuit, inde Cæsaraugustam reversus, Sacram Theologiam in Collegio D. Joseph plausibiliter legit. In ejusdem Civitatis Academia laureatus Doctor, Jacensis Conventus eligitur Prior; ubi optimi Præsulis specimen dedit. Paucis tamen mensibus decursis ab incepto munere cessare cogitur morte præventus, die scilicet 23. Septembris anno 1693.

Illust. ac Rev. D. D. Fr. Ludovicus Pueyo, & Abadia, Cæsaraugustæ ortus anno 1640. ibidem Carmelitarum indutus habitu anno 1655. recurrente anno Oscæ professus est. In Cæsaraugustano Musæo cum Magistri in Philosophia, Sacræ Theologiæ decoratus laurea, primum in eo Philosophiam publicè docuit, dein Sacram Theologiam in Cathedra S. Thom. Sacræ Scripturæ, & Vespertina, demum in Primariam translatus, per sex annos in ea munus egit Publici Professoris. Apud S. Inquisitionis Tribunal à consultationibus, & inter Synodales Cæsaraugustani Archiepiscopatus Examinatores electus est. Aragoniæ Provinciam rexit Vicarius Provincialis in capite, & à Catholico Hispaniarum Rege Carolo II. in Archiepiscopum Sacerensem, in Sardinia, promotus est, & paulò post in Episcopatum Albaracinensem, in Aragonia, ubi meritisimè præfuit usque ad annum 1704. quò postremum clausit diem Cæsaraugustæ VI. Kalendas Februarii, & in Conventus Carmelitarum ejusdem Urbis Ecclesia jacet ad pedes D. Alberti. Scripsit plura, studii ita tenacissimus, ut etiam mortis suæ die folium 100. ab Impressoribus ad correctam transmissum è lecto surgens, correxerit: sequentia volumina prælo commisit.

Analogias de Pulpito. Continet Sermones varios, tum Panegyricos, tum Morales. Cæsaraug. apud Joann. Ibar anno 1676. in 4. tom. 1.

Proporciones Predicables. Continet Sermones de Maria Santissima, ejusque candidissimo Sponso D. Josepho. Cæsaraugustæ apud Hæredes Didaci Dormer anno 1694. in 4. tom. 2.

Santo Thomàs de Aquino Victorioso. Continet Sermones aliquot S. Thomæ. Cæsaraugustæ apud Hæredes Didaci Dormer anno 1695. in 4. tom. 3.

Elogios del Angelico Doctor Santo Thomàs de Aquino. Continet

tinet quamplurimos conceptus prædicabiles in laudem D. Thomæ Cæsaraugustæ: Apud Domin. Gascon anno 1696. in 4. tom. 4.

Primera Parte de la Cathedra de Santo Thomàs de Aquino. Cæsaraug. apud eundem anno 1697. in 4. tom. 5.

Segunda Parte de la Cathedra de Santo Thomàs de Aquino. Cæsaraugustæ apud eundem anno 1697. in 4. tom. 6.

Cathedra de Santo Thomàs de Aquino. Cæsaraugustæ apud Jacobum Magallon anno 1698. in 4. tom. 7.

Tercera Parte de la Cathedra de Santo Thomàs de Aquino. Cæsaraug. Typis Domin. Gascon 1698. in 4. tom. 8.

Quarta Parte de la Cathedra de Santo Thomàs. Cæsaraug. apud Gasparem Thomam Martinez 1697. in 4. tom. 9.

Grepusculo Matutino del Sol Santo Thomàs de Aquino. Cæsaraugustæ apud Domin. Gascon 1697. in 4. tom. 10.

Cathedra Moral de Santo Thomàs de Aquino 1. part. Cæsaraug. apud Jacobum Magallon in 4. tom. 11.

Cathedra Moral de Santo Thomàs de Aquino 2. part. Cæsaraug. apud Gasparem Thomam Martinez 1699. in 4. tom. 12.

Cathedra Moral de Santo Thomàs de Aquino 3. part. Cæsaraug. apud Jacobum Magallon in 4. tom. 13.

Cathedra Moral de Santo Thomàs de Aquino 4. part. Cæsaraug. apud Jacobum Magallon 1699. in 4. tom. 14.

Cathedra Moral de Santo Thomàs de Aquino 5. part. Cæsaraug. apud Gasparem Thomam Martinez 1699. in 4. tom. 15.

Cathedra Moral de Santo Thomàs de Aquino 6. part. Cæsaraug. apud eundem 1699. in 4. tom. 16.

Tiempo, y Eternidad, Consejeros fieles del Hombre. Cæsaraug. apud Dominicum Gascon 1700. in 4.

His omnibus tomis *Cathedra de Santo Thomàs* nuncupatis lepidè, ingeniosè, subtiliter, & efficaciter, prædicat ad mores, defendendo probabiliores S. Thomæ opinione.

Scriptit insuper in Episcopatu: *El Hombre es la mejor, y peor Criatura, que hay fuera de la Omniponencia.* Cæsaraugustæ: apud Gasparem Thomam Martinez, & Didacum Larumbe 1706. in in fol. cui operi finem imponere haud valuit præventus morte, cui finem imposuit ejus Germanus Frater de quo infra.

R. A. P. M. Fr. Thomas Pueyo, & Abadia, Germanus Frater

ter Illust. D. D. Ludovici, Cæsaraugustæ ortus, inter Carmelitanos Sodales ibidem cooptatus est die 15. Augusti anno 1658. & in eodem professionem emisit die 9. Martii 1660. Peractis Philosophiæ, & Theologiæ Studiis in Cæsaraugustana, & Sertoriana Academia Theologiæ Laurea decoratus est. In hac tum Philosophiæ, tum Theologiæ Cathedras plausibiliter moderatus est, S. Inquisitionis Judicibus à Consiliiis. Cæsaraugustanum Conventum mira prudentia, & zelo rexit, ac demum totius Provinciæ regimen Prior Provincialis accepit. Obiit Cæsaraugustæ die 28. Martii anno 1712. Scripsit, seu potius confecit.

El Hombre es la mejor, y peor Criatura, que hay fuera de la Omnipotencia, quod opus à capite 18. 1. part. ad finem usque 2. partis profequutus est. Et cap. 25. refert mortem, merita, & studia sui Illmi. Fratris eloquenti calamo.

R. A. P. M. Fr. Emmanuel Gaxet, Cæsaraugustæ ortus, ibidem Carmelitis adscitus die quinta mensis Maii anno 1659. In eisdem Urbis Conventu solemnibus votis adstrictus fuit die vigesimo septimo Decembris recurrente anno. Philosophiæ, & Sacræ Theologiæ expleto Lectoris munere, Magister de justitia nuncupatus est, & in Cæsaraugustano Athenæo Doctoris Lauream adeptus est. Postremum clausit diem Cæsaraugustæ Idibus Julii anno MDCCVII.

R. A. P. M. Fr. Antonius Boneta, Cæsaraugustanus, Parentibus Antonio, & Enkratide Laplana ortus est anno 1654. Carmelitis in patria adscriptus die 19. Novembris anno 1666. ætatis decimo tertio nondum expleto. Pompilone die decima nona Januarii anno 1670. quo studii causa missus fuerat, professionem solemniter emisit. Studiis feliciter expletis, & Lecturæ munere laudabiliter peracto. Magister de justitia nuncupatus est, & in Cæsaraugustano Musæo Theologiæ Lauream accepit. Variis intra ordinem præfecturis condecoratus, in Cæsaraugustano Conventu Novitiis præficitur Magister, ut egregias, quibus locupletabatur virtutes, Alumni speculantes, perfecti formarentur Religiosi. Quo munere se ipsum, juxta Apostolum, præbens exemplum bonorum operum, in doctrina sana, in integritate, in oratione, in propria corporis maceratione, mirum est, quantum pro Deo, & Religione laboraverit. Obiit

Cæsaraugustæ VIII. Kalendas Octobris anno MDCCX. ætatis vero suæ LVI.

R. A. P. M. Fr. Jacobus Carreras, Cæsaraugustanus, in patria Carmelitarum Sodalibus adscriptus die mensis anno peracto probationis anno ibidem professus est die mensis Studiis Philosophiæ, & Sacræ Theologiæ peractis, per Lectoratus gradus Magisterii culmen ascendit. In Universitate Cæsaraugustana Sacræ Theologiæ redimitus lauro, eodem in Sertoriana perfunctus est honore, & in ea Theologiæ Cathedras pluribus annis moderatus est. Apud S. Fidei Tribunal Qualificatoris decoratus titulo, Oscensem Conventum rexit. Studiis addictissimus, haud exiguam diei partem, etiam gravatus ætate, Scholasticæ Theologiæ studio impendebat. Obiit Cæsaraugustæ die 9. Aprilis anno 1722.

R. A. P. M. Fr. Petrus Mombiela, Cæsaraugustanus, in patria Carmelitis adscriptus, ibidem professionem solemniter emisit die mensis anno 16 Peractis Philosophiæ, & Sacræ Theologiæ studiis, per Lecturæ gradus in Magisterii fastigium ascendit. In Cæsaraugustano Minervæ Sacræ Theologiæ decoratur Laurea, Collegii D. Joseph Rector institutus est. Ex Hispania profectus, Neapoli in Conventu S. Theresiæ postremum clausit diem anno 1722.

R. A. P. M. Fr. Petrus Lopez de Otalora, Cæsaraugustanus, in patria Carmelitarum sumpsit habitum die 21. Martij, anno 1605. & sequenti canonicè professus est. Peractis laudabiliter Philosophiæ, & Sacræ Theologiæ Lectoratus Cursibus, Magister juxta Ordinis statuta nuncupatus, ipsius Sacræ Facultatis in Cæsaraugustano Musæo Doctoris Laurea decoratus est. Obiit Cæsaraugustæ trigesimo quinto ætatis anno, quo, ob eximiam ipsius prudentiam, Juvenisque, commendatam sapientiam, illius Urbis moderabatur Carmelum.

R. A. P. M. Fr. Paulus Maurin, Cæsaraugustæ ortus, & ibidem Carmelitarum Sodalibus adscriptus, professionem emisit die mensis anni Philosophiâ, atque Theologiâ apprimè instructus, utramque apud suos summo plausu edocuit. In Cæsaraugustano Musæo Sacræ Theologiæ Doctoris Laurea insignitus, in eo Sacram Paginam interpretatus est, inde

in Vespertinam Cathedram eo; quanto Ordinis honore, & júbilo totius Populi, ipsius admirantis concertationem, assumptus est. Sed Proh dolor! Versa est in luctum Cythara nostra, cum tantum Virum præmatura arripuit mors. Obiit namque 55. ætatis suæ anno die 11. Martii, reparatæ vero salutis 1724. in suo Cæsaraugustano Conventu, quem Prior mira prudentia per triennium rexit.

R. A. P. M. Fr. Michael Angelus Novales, Cæsaraugustæ ortus, in patria Carmelitarum Ordini nomen dedit, & ibidem professionem emisit die mensis anno Peractis Philosophiæ, & Sacræ Theologiæ Studiis, in Cæsaraugustano Musæo inter Theologiæ Doctores adscriptus est. Cæsaraugustani Conventus Prioris partes egit, & totius Provinciæ Vicarius Provincialis in capite, eam prudentia, zelo, & Religione rexit. Demum Romæ, cum Secretarii, & Assistentis Generalis pro Hispaniarum Regnis honore fungeretur, in Conventu Sanctæ Mariæ Transportinæ mortuus est die 30. Octobris anno 1735.

R. A. P. M. Fr. Raymundus Sos, Navarrus, patria Sangossanus, in ejusdem Civitatis Conventu inter Carmelitas cooptatus anno 16 Decursis Philosophiæ, & Sacræ Theologiæ Studiis, utriusque Facultatis Lectoris munus egit. In Cæsaraugustano Musæo Doctoris Sacræ Theologiæ, & Magistri in Philosophia decoratus titulo, primum in ea Philosophiam, deinde Sacram Theologiam in Scoti Cathedra docuit. Conventum Sangossanum, & D. Josephi Collegium moderatus est. Scripsit:

Sermones varios, reperiuntur in *Oratoria Carmelitana*, quam ipse in lucem dedit Cæsaraugustæ apud Dominicum Gascon, anno 1684.

Sermon de las Exequias del RR. P. M. Fr. Raymundo Lumbier, qui ad calcem ejus vitæ repositus est.

Aliud Opus Morale reliquit apud Nepotem suum D. D. Firminum Lubian, S. Ecclesiæ Pompilonensis Priorem. Utinam lucem publicam videat!

R. A. P. M. Fr. Michael Xerico, Cæsaraugustæ ortus, in ejusdem Civitatis Carmelitarum Conventu Sacræ Militiæ nomen dedit, & in Pompilonensi professus est die 4. Junii anno 1666. ut Organicus psaltes Choro deserviret, sed cum ejus præexcellens

lens ingenium superiores haud lateret, studiis Philosophiæ, & Sacræ Theologiæ eorum jussu operam navans, sapienter evasit litteris Theologicis, quàm Musicis notis: quapropter Lectoris munere expleto, Magister de justitia nuncupatus est, & in Universitate Cæsaraugustana Theologiæ Lauream accepit. Divini Verbi egregius Ecclesiastes, & pro Illmo. Hispaniarum Nuntio Synodalis Examinator, scripsit:

○ *Sermon Funebre, en las Exequias, que la Ciudad de Tudela hizo à Carlos II. Cæsaraug. apud Franciscum Revilla anno 1701.*

○ *Sermones varios, qui in Oratoria Carmelitana in lucem prodire Cæsaraug. apud Dominicum Gascon 1684.*

+ R. A. P. M. Fr. Josephus Angelus Rosell, Cæsaraugustanus, Carmelitarum Sodalibus in patria adscitus, ibidem professionem solemniter emisit die mensis anno 16 Post Philosophiæ, & Sacræ Theologiæ Lecturam, in Cæsaraugustano Musæo Theologiæ Lauream accepit. Tubalensis Conventus primum renuntiatus Prior, Cæsaraugustanum postmodum Carmelum rexit, variisque in Provincia perfunctus officiis, demum Prior Provincialis electus est, quo munere summa cum laude foeliciter expleto, Cæsaraugustæ denatus est anno 17 Scripsit:

○ *Sermon en accion de gracias, por las Victorias, que consiguió el Catholico Imperio contra las Armas Othomanas el año 1683. excusus Cæsaraugustæ, apud Dominicum Gascon in Oratoria Carmelitana.*

+ R. A. P. M. Fr. Mattheus Salaberria de Maya, Cæsaraugustanus, in patria Carmelitis adscriptus, ibidem professus est die mensis anno Philosophia, atque Sacra Theologia instructus, & utriusque Facultatis Lector institutus, Magister de justitia nuncupatus est. In Cæsaraugustano Lycæo Theologiæ Lauream decoratus, postquam bis Cæsaraugustanum Carmelum rexit, in totius Provinciæ regimen Prior Provincialis electus est: quo munere laudabiliter expleto, postremum clausit diem Cæsaraugustæ anno Ejus opera, & studio in lucem prodire:

○ *Jardin de Sermones tom. 1. Cæsaraug. apud Augustinum Verges, anno 1626. in 4.*

○ *De eisdem, tom. 2. apud eundem in 4.*

Idea de Discursos Predicables, Cæsaraug. apud eundem, anno 1672. in 4.

R. A. P. M. Fr. Josephus Angelus Cebrian, Aragonus, in Oppido vulgò *Santa Cruz* ortus, in Carmelitarum Conventu Sacrum sumpsit habitum die 14. mensis Novembris anno 1667. & in eodem solemniter professus est anno die Philosophiæ, ac Sacræ Theologiæ studiis peractis, utriusque Facultatis Lector, illam apud Domesticos plausibiliter docuit. In Cæsaraugustano Musæo Laureatus Doctor, diu inter illius Doctores Decanus vixit. S. Inquisitionis Senatus Patrum à Consultationibus, Conventus Pompilonensem, & Cæsaraugustanum, necnon & Collegium D. Joseph ejusdem Urbis mira prudentia gubernavit. Obiit Cæsaraugustæ die 11. Augusti anno 1735. Scripsit:

Sermones varios, quos in diversis festivitibus prædicavit, quos in *Oratoria Carmelitana* in lucem dedit R. P. Lector Raymundus Sos Cæsaraug. Typis Dominici Gascon anno 1684.

Quaresma, tom. 1. M. S.

De eadem, tom. 2. M. S.

Sermones varios, tom. 1. M. S.

De eisdem, tom. 2. M. S.

De eisdem, tom. 3. M. S.

De eisdem, tom. 4. M. S.

Quæ M. S. asservantur in Bibliotheca Conventus Cæsaraugustani.

R. A. P. M. Fr. Michael Irigoyen, Navarrus, in Oppido *Irurita*, Diocesis Pompilonensis natus est, & Pompilone inter Carmelitarum Sodales adscriptus die 24. Octobris anno 1685. Cæsaraugustæ peracto probationis anno professus est die 27. ejusdem mensis. Philosophia, atque Sacra Theologia in sæculo apprime instructus, paulo post professionem, Philosophiæ Lectura indulta, Sacræ Theologiæ Lector institutus est. In Cæsaraugustano Lycæo Sacræ Theologiæ redimitus lauro, ad suos reversus, Pompilonensis Conventus Prioris partes egit, & in eodem denatus est anno 1702. mense Februarii.

R. A. P. M. Fr. Josephus Maya, Cæsaraugustanus, in ejusdem Civitatis Carmelitarum Ordinem ingressus die mensis anno 169 & in eodem professus die mensis

anno

anno 169 Postquam Philosophiam , & Sacram Theologiam apprimè didicit , Philosophiæ institutus Lector , eam non docuit , sed Theologiæ studiis applicitus , cursus pro Magisterio confecit. In Cæsaraugustano Liceo Sacræ Theologiæ decoratus laurea , in Comitii Provincialibus coram RR. Patre Ordinis Theologiæ propugnavit conclusiones , sui ingenii specimen manifestans. Prior extitit Cæsaraugustani Conventus , & Collegii D. Joseph ejusdem Urbis Rector , pluriesque Provinciæ Diffinitoris potitus munere , tandem totius Provinciæ Præsul electus est. Obiit Cæsaraugustæ secundo Idus Julii anno MDCCXLV.

Illst. ac Rev. D. D. Fr. Jacobus Pinaque , patria Cæsaraugustanus , ibidem Carmelitico adscriptus Ordini die mensis anno Peractis Philosophiæ , & Sacræ Theologiæ studiis , utriusque Facultatis Lector instituitur , quo munere plausibiliter expleto , & in Cæsaraugustana Academia Laurea Doctoris obtenta , in ea Sacram Paginam interpretatus est. S. C. M. Concionatoris munere decoratus , & S. Inquisitionis Propositionum Fidei Censoris insignitus honore , Episcopus Cajetanus creatus est. Obiit Cajetæ die 4. Aprilis anno 1737. Scripsit:

Lapidem lydium ad Supremum Navarrae Senatam. Excussum Cæsaraugustæ apud Franciscum Revilla , anno 1702.

Oracion Panegyrica de la Virgen del Pilar. Barcinone Typis Jacobi Siura anno 1709.

Oracion Panegyrica de Santo Thomàs de Aquino. Barcinone apud Bartholomæum Giralt anno 1710.

Innumeros reliquit Sermones M.S. feracissimi ingenii sui partus , quibus nedum Domestici , sed & Extranei locupletati , usque modo plurimorum ore prædicat Pinaque , sed mortuus , qui namque scripta comparavere , illius dicendi gratiam haud facile comparare possunt.

R. A. P. M. Fr. Josephus Albertus del Rio , Cæsaraugustanus , ibidem Carmelitarum Sodalibus adscitus , professionem emisit in Conventu Pompilonensi , quo studiorum causa , Novitius missus fuerat. Philosophia , atque Sacra Theologia apprimè instructus , utriusque Facultatis in Academia Cæsaraugustana insignitus Laurea , in ea Philosophiam publicè Cathedraticus edocuit , ingenii sui specimen manifestans. Valentia in Ca-

titulo Provinciâli R. A. P. Provincialis à Secretis; & Socius electus, postmodum Collegii S. Joseph Cæsaraugustani renunciatus est Rector. Ad Insulas Balearias missus, Visitatoris munus exactissimè satisfecit. Inde Cæsaraugustam reversus, Neapolim remeavit, ubi in Conventu S. Theresiæ Hispanorum postremum clausit diem anno 1757.

Illust. ac Rev. D. D. Fr. Philippus Iturbide, Navarrus, inter Carmelitarum Sodales tribus adstrictus votis solemnibus, decursis Philosophiæ, & Sacræ Theologiæ curriculum, Studentibus Conventus Cæsaraugustani præficitur Magister, quo tempore, Sacræ Theologiæ Lauream in Cæsaraugustana Universitate adeptus est, in qua de Consilio Claustrii illius Sacræ Facultatis Cathedram aliquando rexit. Romam profectus, & in ejus Sapiencia Cathedrali honore decoratus, maximum sibi apud SS. D. Benedictum XIII. P. O. M. nomen comparavit, & amorem, quapropter ab eodem SS. D. primum Prælatus Domesticus, & Pontificio Solio Assistens, dein Episcopus Venusinus, atque Decanus Ecclesiæ Collegiæ S. Mariæ Tubalensis, in Regno Navarræ, ubi natus fuerat, postremo Archiepiscopus Ragusinus creatus est. Obiit Neapoli anno 1741. & apud suos Carmelitas Hispanos in Conventu S. Theresiæ requiescit. Scripsit:

Epistola Pastoralis, quam Romæ excudit apud Joannem Maria Salvioni Typographum Vaticanum anno 1726.

R. P. Præl. Fr. Franciscus Casalbõn, Cæsaraugustæ ortus, in eadem Civitate Carmelitarum indutus habitu, ibidem solemniter professionem emisit. Peractis de more Philosophiæ, & Theologiæ Cursum, & Magister Studentium formatus, in Cæsaraugustano Liceo Doctoris Lauream accepit. Sangossani, & Sadabensis Conventus Prioris condecoratus munere, Cæsaraugustani Conventus Novitiorum Magister electus est, & in eo ultimum vitæ clausit diem VI. Idus Augusti anno MDCCCL.

R. A. P. M. Fr. Vincentius Ibero, Sadabæ ortus, & Carmeliticis adscriptus, professionem Cæsaraugustæ emisit. Peractis Philosophiæ, & Sacræ Theologiæ Studiis, studentibus præficitur Magister in Conventu Pompilonensi. In Cæsaraugustana Academia Sacræ Theologiæ Laurea decoratus, & à Rmo. Patre Ordinis Magisterii titulo insignitus, Illust. Hispaniarum Nuntii

tii Theologi, & Regii Concionatoris honore decoratus, obiit Sadabæ anno 174. . . . Scripsit:

Libellum supplicem ad Catholicum Regem Ferdinandum pro Immaculatæ Virginis Conceptionis definitione promovenda excussum Matrivi.

R. P. Lect. Fr. Emmanuel Canteria, patria Cæsaraugustanus, in ea Carmelitarum indutus habitu, ibidem professus est. Peracto in Tubelenſi Conventu triennali Philosophiæ Cursu, & in Collegio D. Joseph Cæsaraugustano quadriennali Theologico, utriusque Facultatis Lauream in Cæsaraugustana Academia cum Magistri in Philosophia, & Doctoris in Theologia titulo adeptus est. Philosophiam in ea per triennium publicè docuit, Cathedratici condecoratus honore, quam rursus per triennium aliud docuisset, nisi immediate post ejusdem Cathedræ confirmationem, vitam morte commutasset die 24. mensis Augusti anno 1741.

R. A. P. M. Fr. Franciscus Nuñez, Cæsaraugustæ ortus, ibidem Sacro Carmelitarum indutus habitu, & tribus solemnibus adstrictus, votis, Bilbili Philosophia, & in Collegio D. Joseph Sacra Theologia instructus, in Cæsaraugustana Academia Theologiæ Lauream accepit. Magisterii Gradum juxta Ordinis statuta nactus, & apud S. Inquisitionis Tribunal Propositionum Fidei Censoris honore decoratus, R. A. P. Provincialis à secretis in Capitulo Valentia celebrato electus est, quo munere duobus expleto annis, in Cæsaraugustani Conventus Priorem institutus anno 1757. sequenti in eodem confirmatur munere, quod usque modo prudentia, zelo, & Religione regit, Vicarii Provincialis pro Aragoniæ, & Navarra Regnis auctoritate fungens, ad majora pro meritis sublimandus.

R. A. P. M. Fr. Ludovicus Bellido, Navarrus, in Villa vulgò de Cortes, Diocesis Cæsaraugustanæ ortus, in Regali Cæsaraugustæ Carmelo Sacræ Religioni nomen dedit, & in eodem professus est. Peractis de more tum Philosophiæ, tum Theologiæ Auditoris Cursibus, Theologiam in D. Joseph Collegio docuit. In Cæsaraugustano Musæo Doctoris Laurea redimitus, & S. Inquisitionis Qualificatoris honore decoratus, Prior extitit Conventus Jaccensis, Bilbilitani, & D. Joseph Collegii

Rector, vivit adhuc majoribus præmiis pro meritis dignus.

R. A. P. M. Fr. Franciscus Salas, patria Cæsaraugustanus, in ea Carmelitarum sumpsit habitum, & ibidem professionem emisit. Philosophia Pompilone instructus, Theologiæ in Collegio D. Joseph operam dedit. In Universitate Cæsaraugustana Theologiæ Lauream adeptus, in ea, de ejusdem Claustris consilio tractatum Theologicum legit anno 1749. In Religione post Lectoris, tum Philosophiæ, tum Theologiæ honorem, Socii pro Capitulo Generali decoratus munere, in eo Cesenæ celebrato publicas defendit Sacræ Theologiæ Conclusiones. Capitulo Provinciali Cæsaraugustæ celebrato anno 1758. Rector Collegii D. Joseph Cæsaraugustani instituitur, quod modo regit, ad majora pro meritis evehendus.

R. P. Lector Fr. Onuphrius Assò, Cæsaraugustanus, Sacrum Carmelitarum sumpsit habitum in ejusdem Civitatis Conventu, & in Tubelensi professionem emisit. Post Philosophiæ, & Theologiæ studia, in Cæsaraugustano Musæo Theologiæ Lauream accepit die 25. mensis Junii anno 1752. Philosophiæ institutus Lector, eam modo publicè docet in Universitate Cæsaraugustana, Scoti Cathedram substituens.

FINIS.

IMPRIMATUR.

Isla, Vic. Gen.

IMPRIMATUR.

Santayana.

1758?

